

DISSERTATIONIS ACADEMICÆ,
DE
SCRIPTIS ANTIQUORUM LINTEIS,
PARTEM PRIOREM,
CONS. AMPL. FACULT. PHILOS. IMP. UNIV. ABOËNS.
PRÆSIDE
Mag. FREDR. WILH. PIPPING,

Hist. Litt. Prof. P. O. & Biblioth. Ac. Præfecto,

PUBLICÆ DISQUISITIONI,

IN AUD. JURID. DIE XXVIII JUN. MDCCCXV,

horis a. m. consuetis,

PRO SUMMIS IN PHILOSOPHIA HONORIBUS,

PROPONIT

MATTHIAS KALM,
Stip. publ. Borea-Fenno.

AEOË, TYPIS FRENCKELLIANIS.

IN
S:AM IMP. M:TEM
MAGNÆ FIDEI VIRO,
AMPLISSIMO ET CONSULTISSIMO,
SUPREMI DICASTERII CONSILIARIO
ATQUE
JUDICI SATICUNDIÆ INFERIORIS TERRITORIALI,
D:no ANDREÆ HENRICO FALCK,
FAUTORI, EUERGETÆ PROPENSISSIMO,
SUMMA PIETATE COLENDO,
In Ayd Jarde die xxviii Ianuarii MDCCXCV
Animi gratissimi, plurimis litterarum studia adjuvan-
tibus obstricti beneficiis, pignus qualecumque offerre stu-
dens, pagellas hasce sacras voluit, debuit

NOMINIS AMPLISSIMI

cultor observantissimus
MATTHIAS KALM.



Canam illam antiquitatem, quæ, incunabula gentium condens, scientiam facile fugit vel omni mortalium memoria adjutam, repetentibus omnibus, quæ de litterarum origine circumferuntur, narrationibus, ita ut PLINIO dandum fere existimes, *æternum esse litterarum usum* (a), admirationem nemini jure movere, vel fidem rei haudquam derogare, posse videtur multa illa varietas rudisque asperitas materie, cui litteras olim mandatas tradunt, quicunque posteris memoriam hujus rei prodiderint, quin potius ingenii humani, contra ignorantiae, agrestis feritatis & fatorum iniquitatis cuiusque gravitatem fortiter, nunquam deficiente, ut ut remiso interdum, studio, luctantis vim in indigesta omni monumentorum mole litterariorum, quæ exegisse fertur scribendi artis infantia, cordatus quisque agnoscat. Ut enim ipsam taceamus, quæ infantiae cuiusque rei propria est, perfectioris ignorantiam ignotique hinc derivandum neglectum, unde quoque effectum, ut rufis scribendi ars, aptiora non desiderans, quæ posterior tulit ætas, adminicula, minus vel proba vel idonea diu contenta esset materia, cui signa committeret sua; quantam sibi vindicent artes, vitæ necessitatibus comparandis inservientes.

A

par-

a) *Naturalis Historiae* Lib. VII. cap. LVI. sec. ed. e rec.
J. G. F. FRANZII, Lips. 1778. 8:o.

partem successus, cum litterarum cognitione studiisque earundem variis cognatas illas ad perfecti indelem aliquando prorvehentis, nemo ignorat, his etiam promoventibus quod contra debeant mechanicæ, feliciori scientiarum quamplurimarum cultu multis jam commodis auctæ confirmatæque, & multa illustratæ luce, simul vel minime negans. Qui igitur sperandum, remotissimæ a nostra memoria ætatis litteras investiganti eidam alia earum occursura monumenta, quam quæ rudit admodum servaverit materia, leniter mollientis plus minusve expers artis, saxa, lateres, metalla, ligna, ebur, folia, libri & cortices arborum, texta varia, coria, membranæ, scirpi, cæt. ? — Hæc & alia quo se invicem exceperint ordine, quibus terrarum locis hunc in usum adhibita, quomodo ad eundem parata fuerint, quoque successu litterarum sic consultum sit studio, indagasse compertumque habere, neminem certe non delectaret & litterarum & vitæ cultum humanæ attento examinantem, historia per omnia saecula ducere, animo. Quod vivide admodum sentientibus nobis, omnibus in illo Historiæ Litterariæ loco latentibus rebus explicandis quamvis impares, haud infautis hoc adorti videmur auspiciis opusculum, in usu linteis, litteris signati, antiquo explicando positum.

Ne vero quis putet, chartæ nostræ linteæ ad disjuncta longo nimis annorum intervallo a nostra ætate tempora relatam nos velle originem, in limine adhuc dum versamur monendum est, multis antequam inventa sit, nobis jam notissima, ex linteis contritis concoquendoque maceratis chartam parandi ars, saeculis, obtinuisse morem in tela linteal litterarum elementa, quibus in scribendo vulgo utimur, depingendi, & quidem ita, ut non pauca tantum, imagines quasdam rerum, totas tabulæ a pictore mandatas, solum illustratura referrent verba, ut apud nos pingendi artis periti formas rerum, sensuum nostrorum haud fugientium captum, epigrammate vel scri-

Scripto quodam argumento explicatas, reddunt, sed longiorem continerent orationis tantum seriem, scientiae memoriaeque hominum scripto quodam prodendam. In hujus generis scripta inquirere, ita ut quomodo parata consignarentur, quarum in primis gentium moribus recepta quibusque maxime usibus applicata fuerint, explicetur, est quod nobis jam sumsumus.

§. 1.

Quemadmodum in omni antiquitatis memoria repetenda multum semper impedimenti multumque molestiarum affert penuria, qua premimur maxima, genuinæ cognitionis, ex ipsa priscorum morum antiqua explicatione una hauriendæ, eoque magis necessariæ, artes & instituta quævis communis vitæ usui olim inservientia perquirenti, quo saepius haec, ut natura rei ipsa fert, ab omni viam ratiocinii solitam persequentis iudicii arbitrio aliena sunt; ita in ratione quoque examinanda, qua linteis, ad litterarum notas excipiendas aptatis, cogitata ingeserint sua antiqui, ignotum navigamus æquor, eo magis timendum, quo certius est, cum cursum tenendi prudentia ipsam scopulorum evitandorum periisse notitiam. Paucissima enim, (quod quam maxime dolendum), nostro exstant ævo & linta scripta, rem formæ sua illustrantia, & monumenta alia, unde lini telam ad scribendi usum applicandi artis præcepta excitare daretur, & ne unus quidem scriptorum antiquorum viam quandam, disquisitioni subjecturis hanc artem posteris inveniam, verbulo quodam monstravit. Quod eodem ex fonte emanasse videtur, unde nostri sine dubio multa adhuc ejusdem generis mala nata querentur posteri, ex imprudenti scil. illa levioris animi securitate, qua freti sperare videmur nos quoque, fore ut quæ quotidie intuemur frequente usu notissima habemus, nullius unquam intelligentiam fugiant. — Quamvis autem sic duce careamus, cuius scientia tibi ad plenam rei, in qua contemplanda nunc versamur, co-

gnitionem penetrare valeamus, ne a vero tamen plane aber-
remus haud esse videtur ut vereamur, proprio Marte recen-
tioribusque rei indagatoribus consentientibus, e perpensa ejus-
dem natura & diligentि cum omnibus, consideranda fese simul
offerentibus, comparatione, probabilem elicere studentes, ut
cunque mancam, eorum notionem, quorum maxima in hoc
antiquitatis litterariae loco perquirendo fese exserit vis, generis
scil. & præparationis telae, cui committerentur litterae, & mo-
di has describendi.

Telae igitur quod attinet genus, libris fundamentum o-
lim præbens linteis sic dictis, de eo diu non ambigamus,
contententes stamina eidem semper ministrasse lini stipites, sed
potius concedamus, fuisse & eodem lintei nomine antiquis
appellatam haud raro telam diversae etiam indolis, quamcun-
que, eodem modo eductis contortisque, utut distinctae origi-
nis, filis textam, iisdem adhiberet usibus consuetudo homi-
num communis (b), & linteorum in numerum scriptorum re-
la-

-
- b) "Man hüte sich, Plinius und seine Vorgänger wie Bewei-
se des Alters der Linnenweberei in der Gegend, von wel-
cher sie reden, anzuführen, und darauf den Beweis des
Linnenpapiers in solcher Gegend zu gründen; denn Pli-
nius hat den Unterschied zwischen dem Lein und den Baum-
wollenpflanzen nicht genug bestimmt, und die Gespinste von
Baumwolle hiesen von der Ähnlichkeit mit dem Gespinste
des Leins, bei den Alten auch Leinewand. Da nun fer-
ner die Weberei aus Lein bei den europäischen Völker-
schaften von alten Zeiten her gemein war, und sie keine
andere kanten: so liehe diese allen fremden Webereien ihren
eigenen Namen. Hieraus entstehen die Undeutlichkeiten bei
den Schriftstellern, die Anmerkungen über diese Sache ge-

Iata omnia litterarum monumenta, quæ texturæ ejusdam, linteæ illi forma & usu non admodum dissimilis, servaverit opus, maxime cum de diversarum ageretur rebus gentium, quarum quidem moribus receptum eset textas figuris litterarum ornare tabulas, harum vero telam alia ex alio necesse, vel majorum consuetudine, vel regionis, quam incoleret, natura magistra, forte didicerit. Nec enim differentia hæc subjectæ scripto materiæ omnibus, peregrinis minime, commemo-

macht haben. Oefters haben sie das für Lein gehalten, was nur eine Art Baumwolle war. Plinius giebt z. E. von Aegypten vier Gegenden an, wo, wie er meldet, Lein gebauet wurde, indessen ist wohl nicht alles für Leinewand anzunehmen, was er Leinewand nennet." Vid. Vom Papier, und den vor der Erfindung desselben, üblich gewesenen Schreibmaszen, von G. F. WEHRS, i: Th. p. 129, nota (h). Et recte quidem monitum esse exemplum ostendit unicum hoc Lib. XII. cap. XXI Hist. Nat. "Ejusdem insulæ (Tyli) excelsiore suggestu lanigeræ arbores alio modo, quam Serum. His folia infecunda: quæ, ni minora essent, vitium poterant videri. Ferunt cotonei mali amplitudine cucurbitas, quæ maturitate ruptæ ostendunt lanuginis pilas, ex quibus vestes pretioso linteo fabricant. Arbores vocant gosympinos — — " &c. XXII: "luba circa fruticem lanugines esse tradit, linteaque ea Indicis præstantiora." Cfr. etiam quæ pag. 46, nota (d), plurimisque aliis locis habet J. G. I. BREITKOPF in Verfuch den Ursprung der Spielkarten, die Einführung des Leinenpapiere, und den Anfang der Holzschnidekunst in Europa zu erforschen, & LEO ALLATIUS Animadvers. in Antiquitatum Etruscarum fragmenta ab Inghiramio edita, p. 135.

morationis alicujus instituta huc pertinentia illustrantis aucto-
ribus priscis, observatione ipsius rei nota fuisse videtur, nec,
si fuerit, magni in ea rite discernenda momenti argumentum,
factum, quod demonstrandum erat, vel confirmans vel infrin-
gens, querere quis potuit. Quid enim ad voluminis for-
mam, in scribendo servatas rationes, cæt., utrum gosypii
lanugo, an tenellæ lini fibræ, an cannabis, vel plantæ cujus-
dam alius fila, in usum textoris conversa fuerint, dummodo
constaret, telæ species nullas, ejus, quo linteum referunt,
generis, aliam quam hoc tractandi peritiam scribæ flagitare?
Stricte nimis de linteo interpretanda igitur cum non sint o-
mnia, quæ in historia librorum occurrunt linteorum, nec an-
xie quæremus xylinisne semper, an linteis quoque, usi sint
tabulis scriptoriis populi, quorum quotidiano in vestimentis
usu gosypium maxime, linum raro vel nunquam, ut eorum
terræ haud sponte proveniens, tereretur, nec contra decerne-
re audebimus, an apud cæteros lini unus in scriptis hujus,
de quo disputamus, generis condendis semper valuerit usus.
Addendum autem quod erat, panniculi alia, præter gos-
y pinum & linteum, genera, scripturæ campum præbentia an-
tiquæ, novimus nulla.

Occurretur nobis, quid *Serica volumina* (c)? — Hæc
autem a gosypinis illis nomine tantum, non re, distincta.
Nec enim illius, luxui jam nostro quæ acceptissima est, Serici
speciei priscis communem fuisse gentibus usum, ne dum noti-
tiā, satis constat (d), nec Bombycini ipsius antiqui texturas
scri.

c) Vid. SYMMACHI Epist. XXXIV. Lib. IV.

d) Nam Bombycini generis speciem, e qua opifices hodie
sericum ducunt, ante Justiniani tempora incognitam fuisse

— 7 —

scribentibus inserviisse probabili aliqua ratione evinci potest; unde sequitur, Serici speciem, de qua PLINIUS narrat *Hist. Nat.* Lib. VI. c. XX (e), in voluminum linieorum memoria repetenda solam considerandam esse, a communi parum differentem tela goslypina.

A materiae parte nulla cum obstet mora, pergendum ad artem examinandam, qua ad litterarum seriem excipiendam conservanda inque idonea olim redderetur lini vel similis fere alias plantae textura. — In dubium quidem vocare nemo potest, quin texta, vocabulorum notis signanda, vel glutine, vel resina, vel cera, vel singulari opificis scientia composita in orbe Romano, illo vero imperante ex India advectam a Monachis quibusdam, auctor est PROCORIUS, *Bell. Goth.* Lib. IV. c. XVII.

e) — "Seres, lanicio filiarum nobiles, perfusam aqua depectentes frondium canitiem: unde geminus feminis nostris labor redordiendi fila rursumque texendi. Tam multiplice opere, tam longinquo orbe petitur, ut in publico matrona transluceat." Unde colligit DALECHAMPIUS (nota (t) ad h. I.) "Serica texta quæ ex Seribus adferebantur, quod presius densata essent, filatim resolvi solita a mulieribus Europæis, & rursus texi, tenuiore ac rariore textura, ut inde scil. uestes fierent, quæ feminas tegendo nudarent, & per quas in publico totæ tralucerent." Et HARDUINUS (nota (u)) "Nobiles sunt Serum filæ, quæ lanicum præbent: sunt enim cuidam arborum generi lanata folia, eaque candida, quæ primum perfunduntur aqua, mox depectuntur: tum ducuntur in fila, ac denique nentur in subtegmina."

quadam materia, tincta illitave, ad raritatem flaminum vel subtegminis spissiorem reddendam, utet laxam ejusdem mollietiam firmandam iniquitatemque superficie laevigandam, obducerentur, cum hac neglecta cautela non potuerit non fieri, ut diffluentem atramenti vel coloris cujusque inferendi liquorem bibens inquinaretur tabula; quænam autem materia, simplex an composita, dura aut fluida, antiquis tantum nota vel nostra etiam ætate usitata, illo nomine in primis commendata fuerit, aut num pluribus, iisque multum a se invicem diversis, paratus rationibus idem valuerit usus, nos, ingenue factendum est, omnino latet (f). Quod calculum quidem nemini moveat, natura sine dubio ipsa lintei postulante præstruenter, qua formam litteris retinendis aptam accipiat, artem quandam; sed ne nubes captare videamur, abstinentiam tamen esse censemus a conjecturis, nonnisi ex nostris haustam moribus explicationem rei offerentibus. Unica, quæ absque intempestivæ nota proferri forsitan poterit licentia, e similitudineducenda est scripturæ, orationem commendantis fidei linteæ, cum vulgari in linteo pictura. Hujus autem, antiquo ævo haud admodum frequentis, cum expeditæ adeo non sint rationes, ut telam quomodo suis paraverint pictores prisci usibus, nostra satis indagare valuerit observationis diligentia; hinc egressa conjectura, tabellas litterarum linteas aptandi tangens morem, aliorum vix dicit, quam eo, unde egredendum nuper diximus ei, qui ratione tantum, naturam lintei respiciente, duce rem explicit. Nec igitur actum acturi, nec ad aliena evagaturi, quæ picturæ tantum antiquæ propius examinandæ

f) Asphalto quidem tincta esse linteæ, in mausoleis reperta Ægyptiacis, conjicit CAYLUS, *Recueil d'Antiquités*, T. V. pp. 22 & 76; sed conservandæ magis quam ad pictoris usum præparandæ telæ inserviisse videtur.

nandæ secum ferat indeoles, ad eos, qui huic maxime data opera cuncta ejus illustrarunt, scriptores Lectorem ablegamus (g).

Excipit scribendi modus, qui item in suspenso relictus ab antiquioribus harum rerum enarratoribus, probabili tantum definiendus est calculo. In illo autem disquirendo videndum in primis est, qua materia quoque instrumento in tabulam translati sint stili characteres. — Oleo contritos picturam antiquam admisisse colores cum existimare vix liceat (h), neque ad eos configiendum videtur de materia, linleo litteris ornando antiquitus applicata, sollicitis invenienda. Multo minus in carbone, creta, plumbo, rubrica, vel aridis ullis est

B

g) Ex. gr. PLINIUM Nat. Hist. Lib. XXXV, FR. JUNIUM de Pictura veterum, G. TURNBULL Treatise on ancient Painting, & RIEM Ueber die Malerei der Alten.

h) Multa alia ut taceamus scriptorum loca, ad PLINI Lib. XXXIII c. XL sufficiat animum advertisse, ubi hæc: "Sublini Syrico minium compendii ratio demonstrat. Et alio modo pingentium furto opportunum est, plenos subinde abluentium penicillos. Sedit autem in aqua, constatque furantibus." Quæ ita explicat HARDUINUS: "Inter colores, quos pictori dominus præstabat, ut dicetur XXXV. 12, minium fuit, quoniam id perrarum erat. Pictores itaque sœpe ex eo furabantur, repletis penicillis, mox aqua ablutis: veluti alio utendum colore tum fuisset: nam minium statim sivebat in aqua: ubi integrum furantibus permanebat. Vel ex hoc loco intelligas, aqua dilui colores solitos ab antiquis, non, uti modo, oleo; nam nec utiles esse possunt, semel oleo subacti neque ex penicillis elui ultra vi aquæ possunt."

ut maneamus coloribus, hos firmiter retinendi vim linteo, ut texturæ cuivis, negare coacti. Ad aqua igitur dilutos, aut natura iam liquidos, & antiquis moribus & plicatili lintei indeole consideratis, fere restringimur colores. Quosnam autem, qua ad pingendum præparatos, quaque ad consistendum redactos, arte, antiquus in linteo scribendi probaverit ritus, judicatu est difficile. Vitio igitur nobis haud vertatur, speramus, si certi, quod in his sit, animo concipere non valentes notio-nem, a vero haud admodum saltem absonam tulerimus senten-tiam, primas in linteo scriptura distinguendo deferentem atra-mento, s. nigro illi, cuius ad alia quoque scribenda vulgaris maxime erat usus volumina, colori, qui quibus modis e fu-ligine, fieret, gummi admixto, interdum etiam aceto affuso, docent VITRUVIUS, PLINIUS atque DIOSCORIDES (i). Nec ta-men repugnabimus iis, qui minio, vel aliis insignioris pulcri-tudinis coloribus, locum cum atramento communem hic, ut in charta membranisque pingendis, postulaverint, dummodo parce extra titulorum, capitum & nominum priorum orna-tum jus horum extendatur. — Hæc de materia, qua libri scriberentur linteoi. Quod autem ad instrumentum pertinet, quo fieret, summo jure contendere nobis videmur, *Penicillo* tribuendas esse notas omnes linteo olim traditas. Quod da-tum etiam nobis a nullo non iri confidimus, cætera quibus scriberent antiqui non ignorante instrumenta. De *Stilo* enim s. *Graphio* non est ut loquamur, cum inter omnes convenit, hujus nonnisi vel in duriori materia litterarum ductu exaran-da, vel in tabellis, cera illitis, prescribendis, obtinuisse usum. *Calamum* vero, s. *Arundinem*, si quæras, ejus quidem auxi-lio

i) Cfr. VITRUVIUS *De Archit.* Lib. VII. c. X. PLINIUS *Hist. Nat.* Lib. XXXV. c. XXV, & DIOSCORIDES *Mat. Med.* Lib. I. c. XCIV & Lib. V. c. ult.

Si locum fuisse concedimus non in solis membranis & charta inscribenda papyracea, sed in alia quoque materia litterarum notis, liquido distinctis colore, signata, quæcunque non solum infusum recipere humorē, sed nullas etiam festinationes ineptas manui objiceret scribendi moras. Quod tamen de linteo an valeat dubitamus. Quacunque perlitum obductumque tegentis crastitudine lymphæ, quocunque peritiæ studio duratura, rasum, levigatum fuerit, perpolitam tamen in eo nunquam deprehendes levitatis facilitatem, quæ sisipedis non retardans atundinat acumen, nec minis grave, nec ineptum & deformè scribendi faciat opus. Penna age linteum nostratum tabulam pingere annis, repugnante superficiei asperitate dento vix poteris testudinis gradu opus expedire. Nec a Penna multum ab ludit Calamus veterum. Intempestivi igitur non accusabimur, speramus, judicii, Penicillo concedentes quas ferre non potuerunt nec Stilus, nec Calamus, partes. ^(k) Concinit nobiscum non tantum linteorum librorum, in plurimis cum pictorum tabulis convenientis, forma, æqualem sua-

^(k)) Consentit nobiscum CAYLUS, L. c. T. V. p. 76 sq. de fascia judicans Ägyptiaca: "L'écriture est formée par une très belle main, qui doit avoir fait usage d'un pinceau. La canne & toutes les espèces de roseau ne pourroient former des contours deliés & renflés avec autant de finesse & de précision que ces caractères en présentent: ce qu'il y a d'assuré, & ce qui est fondé sur l'expérience que j'en ai faite, c'est qu'on ne peut les bien imiter que par le moyen du pinceau." Consentire etiam eruditorum aliquos collegimus e Nouveau Traité de Diplomatique T. I. pag. 539, ubi statuitur: "Au jugement de quelques gens de lettres, l'écriture des livres de linge, si célèbre chez les Romains, n'étoit pas peinte avec le calamus, mais avec le pinceau."

dens utriusque opificii elaborandi rationem, cum vel apud nos nullo alio quam penicillo utantur pictores instrumento, ubi inscriptione quadam ornanda sint artis eorum monumenta, sed etiam usus scribendi ipse posterioris ætatis (*l*), in primis hodiernus Sinarum, penicillo tantum quidquid atramento quoque vel nigredine eorum scribendum sit in chartam referentium (*m*).

§. 2.

Librorum nomine digna volumina examini subjicientes linteae, horum nec late patentem, nec admodum frequentem fuisse usum, judicemus, necesse est; litteris vero in linteo cogitata sua persequendi mos arctis his cum includendus non sit limitibus, ad gentes, quarumcunque vel Historia, vel adhuc servata quædam monumenta, memoriam scriptorum consecraverint quorundam linteorum, discurrendum nobis visum est, quamvis vel in universum sit fatendum, vulgari satis more receptum nunquam, nec alicubi gentium, fuisse opera orationis humanæ in linteo condendi institutum. Ex antiquissimis autem promanavit temporibus (*n*), quare chorum ducat gens, annosa vetustate veneranda, *Ægyptiorum*.

Hæc

l) "Les Empereurs Grecs se sont servis du pinceau pour souscrire." *Traité de dipl.* I. c.

m) Cfr. NIC. TRIGAULTIUS *Exped. Sin.* Lib. I. c. IV. & *Description de la Chine*, par le P. DU HALDE, T. II. pag. 299.

n) Male vero, Trojani excidii memoria priorem asserens in linteo scribendi morem, WAHL, in *Versuch einer allgemeinen Geschichte der Litteratur*, 1:1 Th., pag. 81, rem